

АКАФИСТ

ИОАННУ КРОНШТАДТСКОМУ



SPIRIT ART

КОНДАК 1.

ИЗБРАННЫЙ УГОДНИЧЕ И ПРЕСЛАВНЫЙ ЧУДОТВОРЧЕ,
ОТЧЕ ПРАВЕДНЫЙ ИОАННЕ, ГРАДА КРОНШТАДТА
ПРЕСЛАВНОЕ УКРАШЕНИЕ!

ТЫ, ОТ МЛАДЕНСТВА ХРИСТУ ПОСЛЕДУЯ, СОРАСПЯТИСЯ
ЕМУ ВОЗЖЕЛЭЛ ЕСИ И, ЖИЗНЬ ТВОЮ В НЕМ УТВЕРДИВ,
ДАР ЧУДЕС ОТ БОГА ПРИЯЛ ЕСИ И СЛОВОМ ЖИВОНОСНЫМ
ВСЕХ НАПИТАЛ ЕСИ.

МЫ ЖЕ, НЕДОСТОЙНИИ, БЛАГОДАРНЕ ВОПИЕМ ТИ:
РАДУЙСЯ, ИОАННЕ, ЗЕМЛИ РОССИЙСКИЯ МОЛИТВЕННИЧЕ
ПРЕДИВНЫЙ.

ЎКОС 1.

АНГЕЛА СВЕТЛА, ЕЩЕ ОТРОК СЫЙ, ЯВЕ УЗРЕЛ ЕСИ, ОТЧЕ
ИОАННЕ, ИЖЕ И РЕЧЕ ТИ, ЯКО ПОВЕЛЕНИЕМ ГОСПОДНИМ
ПРИСТАВЛЕН ХРАНИТИ ТЯ ВО ВСЕХ ПУТЕХ ТВОИХ.

ТЕМЖЕ ЯКО ИЗБРАННИКА БОЖИЯ ВЕДУЩЕ ТЯ, ВЗЫВАЕМ
СИЦЕ:

РАДУЙСЯ, БЛАГОДАТИ БОЖИЯ СОСУДЕ ИЗБРАННЫЙ;
РАДУЙСЯ, СЛОВОМ БОЖИИМ ИЗМЛАДА НАСТАВЛЕННЫЙ.
РАДУЙСЯ, ВО ОТРОЧЕСТВЕ ЯВЛЕНИЯ АНГЕЛА ХРАНИТЕЛЯ
СПОДОБИВЫЙСЯ;

РАДУЙСЯ, ОТ ЮНОСТИ ВОДИТЕЛЬСТВУ ДУХА СВЯТАГО
ПРЕДАВЫЙСЯ.

РАДУЙСЯ, РОДИТЕЛЕЙ БОГОЛЮБИВЫХ БЛАГОЧЕСТИЕ
ВОСПРИЕМЫЙ;

РАДУЙСЯ, ЦЕЛОМУДРИЕМ И ЧИСТОТОЮ СЕБЕ ОГРАДИВЫЙ.
РАДУЙСЯ, ДУХОВНЫМ НАСТАВНИКОМ ТВОИМ ВСЕМ
СЕРДЦЕМ ВНИМАВЫЙ;

РАДУЙСЯ, ПОЧИТАНИЕМ РОДИТЕЛЕЙ БЛАГОВОЛЕНИЕ
БОЖИЕ СТЯЖАВЫЙ.

РАДУЙСЯ, ИОАННЕ, ЗЕМЛИ РОССИЙСКИЯ МОЛИТВЕННИЧЕ
ПРЕДИВНЫЙ.

КОНДАК 2.

ПРОВІДЯ, БОГОНОСНЕ ОТЧЕ ИОАННЕ, ЯКО МНОГІЯ БЕДЫ І СОБЛАЗНЫ ГРЯДУТ НА ЦЁРКОВЬ РУССКУЮ И ЧАДА БОЖІЯ ГОНІМА БУДУТ, УВЕЩАЛ ЕСІ ЛЮДИ, ГЛАГОЛЯ: ПОКАЙТЕСЯ, СТОЙТЕ В ВЕРЕ ПРАВОСЛАВНЕЙ, КРЕПИТЕСЯ И СЛАВИТЕ ГОСПОДА, ВЗЫВАЮЩЕ ЕМУ: АЛЛИЛУІА.

ЎКОС 2.

РАДУМОМ БОЖЕСТВЕННЫМ НАСТАВЛЯЕМЬ, ВСЕБЛАЖЕННЕ ОТЧЕ ИОАННЕ, СВЕТОМ ИСТИННАГО БОГОПОЗНАНИЯ ВСЕХ, ПРИХОДЯЩИХ К ТЕБЕ, ПРОСВЕЩАЛ ЕСІ.

МЫ ЖЕ, ПИСАНЫМИ ТВОИМИ НАУЧАЕМИ, ВОПИЕМ ТИ ТАКОВАЯ:

РАДУЙСЯ, ЕВАНГЕЛЬСКИЯ ИСТИНЫ ПЛАМЕННЫЙ СЛУЖИТЕЛЮ;

РАДУЙСЯ, ГЛАГОЛОВ ЖИЗНИ ВЕЧНЫЯ НЕМОЛЧНЫЙ ВОЗВЕСТИТЕЛЮ.

РАДУЙСЯ, ПРАВЕДНЫМ ЖИТИЕМ ТВОИМ БОГУ УГОДИВЫЙ;

РАДУЙСЯ, ЦЕРКОВЬ БОЖІЮ ПИСАНИИ ТВОИМИ ПРОСЛАВИВЫЙ.

РАДУЙСЯ, КРЕСТ ХРИСТОВ ПЕРЕД ОЧИМА ТВОИМА ВБІНУ СОЗЕРЦАВЫЙ;

РАДУЙСЯ, СОРАСПЯТИСЯ ХРИСТУ ВСЕДУШНЕ ВОЗЖЕЛАВЫЙ.

РАДУЙСЯ, БОГА И БЛИЖНИХ ВСЕМ СЕРДЦЕМ ВОЗЛЮБИВЫЙ;

РАДУЙСЯ, ЛЮДЕМ, В СКОРБЕХ И ПЕЧАЛЕХ СУЩИМ, УТЕШЕНИЕ ПОДАВАВЫЙ.

РАДУЙСЯ, ИОАННЕ, ЗЕМЛИ РОССИЙСКИЯ МОЛИТВЕННИЧЕ ПЕРЕДИВНЫЙ.

КОНДАК 3.

СИЛОЮ БОЖЕСТВЕННЫЯ БЛАГОДАТИ, ЯКО СВЕТИЛЬНИК
МНОГОСВѢТЛЫЙ ПРАВОСЛАВНЫЯ ЦѢРКВЕ, ВО ГРАДЕ
КРОНШТАДТЕ ПРОСИЯЛ ЕСИ, ПРАВЕДНЕ ИОАННЕ, И ЛЮДИ,
ВО ТЪМЕ ГРЕХОВНЕЙ СЕДЯЩИЯ И СОБЛАЗНОМ
БОГОБОРЧЕСТВА СМУЩАЕМЫЯ, ПРОСВЕТИВ, НАСТАВЛЯЛ
ЕСИ ПЕТИ БОГУ: АЛЛИЛУИА.

ЎКОС 3.

ИМѢЯ ЛЮБОВЬ ПАСТЫРСКУЮ, ПРАВЕДНЕ ОТЧЕ ИОАННЕ,
ПОТЕКЛ ЕСИ К ЛЮДЕМ, НЕ ИМУЩИМ КРОВА И ХЛѢБА
НАСУЩНАГО И ВО ОТЧАЯНИИ ПОГИБАЮЩИМ, И СИХ
ЛЮБОВИЮ И МИЛОСЕРДИЕМ ХРИСТУ ПРИОБРЕЛ ЕСИ.
МЫ ЖЕ БЛАГОДАРНЕ ВЗЫВАЕМ ТИ СИЦЕ:
РАДУЙСЯ, В ХРАМЕ БОЖИИ ДЕРЗНОВЕННЫЙ О ЛЮДЕХ
МОЛИТВЕННИЧЕ;
РАДУЙСЯ, СИРЫМ И ВДОВИЦАМ МИЛОСТИВЫЙ
ПОМОЩНИЧЕ.
РАДУЙСЯ, ОКАМЕНЕННЫЯ СЕРДЦЕМ К ПОКАЯНИЮ
ПОБУЖДАЯЙ;
РАДУЙСЯ, НЕВЕДУЩИЯ БОГА БОЖЕСТВЕННОЮ
ПРЕМУДРОСТИЮ ПРОСВЕЩАЯЙ.
РАДУЙСЯ, СТРОПОТНЫХ И ЗЛОНРАВНЫХ ТИХОЕ
ИСПРАВЛЕНИЕ;
РАДУЙСЯ, ЛЕНИВЫХ И МАЛОВЕРНЫХ РЕВНОСТНОЕ
ОБЛИЧЕНИЕ.
РАДУЙСЯ, ЦАРСТВИЯ БОЖИЯ И ПРАВДЫ ЕГО
ПРОПОВЕДНИЧЕ НЕУСТРАШИМЫЙ;
РАДУЙСЯ, ПРОТИВУ КОЗНЕЙ ДУХОВ ЗЛОБЫ ПОДНЕБЕСНЫХ
ВОИТЕЛЮ НЕУСТАННЫЙ.
РАДУЙСЯ, ИОАННЕ, ЗЕМЛИ РОССИЙСКΙΑ МОЛИТВЕННИЧЕ
ПРЕДИВНЫЙ.

КОНДАК 4.

БҮРЮ ЗЛОЧЕСТИЯ, ВОЗДВИЗАЕМУ НА ЦЕРКОВЬ НАШУ
СВЯТУЮ, ПРОВИДЯ, ОТЧЕ ИОАННЕ, ЯКО ВЕРНЫЙ СТРАЖ
ДОМА ГОСПОДНЯ, ПОУЧАЛ ЕСИ ЧАДА БОЖИЯ БДЕТИ, ВО
ИСТИННОЙ ВЕРЕ ПРАВО ХОДИТИ И В ЗАПОВЕДЕХ
ГОСПОДНИХ НЕПОРОЧНО ПРЕБЫВАТИ, ДА СПАСЕТ
ГОСПОДЬ ЛЮДИ СВОЯ, В ПОКАЯНИИ ЕМУ ЗОВУЩИЯ:
АЛЛИЛУИА.

ИКОС 4.

СЛЫШАЩЕ ЛЮДИЕ БОЖИИ, ЯКО ТЫ ЕСИ, ОТЧЕ ИОАННЕ,
СОСУД ИЗБРАННЫЙ И БЛАГОДАТНЫХ ДАРОВ
ПРЕИСПОЛНЕННЫЙ, НЕ ТОКМО ОТ КРОНШТАДТА, НО И ОТ
ВСЕХ КОНЦЕВ ЗЕМЛИ К ТЕБЕ ПРИТЕКАХУ, ЯКО ДА
ИСЦЕЛЕНИЯ И ПОМОЩЬ УЛУЧАТ.
С НИМИ ЖЕ И МЫ, ЯКО ХОДАТАЮ ПРЕД БОГОМ ТЕПЛУ,
УМИЛЬНО ЗОВЕМ ТИ:
РАДУЙСЯ, СЕЯТЕЛЮ ПРАВДЫ, АЛЧУЩИЯ ЖИЗНИ ВЕЧНЫЯ
НАПИТАВЫЙ;
РАДУЙСЯ, ОБЛИЧИТЕЛЮ НЕПРАВДЫ, ВЕРНЫЯ ОТ
ПРЕЛЕСТИ ГРЕХОВНЫЯ ОГРАЖДАВЫЙ.
РАДУЙСЯ, ЗАБЛУЖДШИМ И НЕРАЗУМНЫМ ПУТЬ К БОГУ
УКАЗУЯЙ;
РАДУЙСЯ, ПИСАНЫМИ ТВОИМИ ЧАДА БОЖИЯ НАСТАВЛЯЯЙ.
РАДУЙСЯ, СКОРБЯЩИХ И ОБРЕМЕНЕННЫХ ПРИСНОЕ
УПОВАНИЕ;
РАДУЙСЯ, БОЛЯЩИХ И СТРАЖДУЩИХ БЛАГОДАТНОЕ
ВРАЧЕВАНИЕ.
РАДУЙСЯ, СОСУДЕ ИЗБРАННЫЙ, ДАРЫ ДУХА СВЯТАГО
ДИВНО УКРАШЕННЫЙ;
РАДУЙСЯ, СВЕТИЛЬНИЧЕ ВСЕСВЕТЛЫЙ, НА СВЕЩНИЦЕ
ЦЕРКОВНЕМ БОГОМ ПОСТАВЛЕННЫЙ.
РАДУЙСЯ, ИОАННЕ, ЗЕМЛИ РОССИЙСКИЯ МОЛИТВЕННИЧЕ
ПРЕДИВНЫЙ.

КОНДАК 5.

ЯКО ЗВЕЗДА МНОГОСВѢТЛАЯ, СВЯЩЕННОЛѢПНЫМ
ЖИТИЕМ ТВОИМ ПРОСИЯЛ ЕСИ, ПАСТЫРЮ ХРИСТОВ
ИОАННЕ! ТЫ БО СТАДО, БОГОМ ВРУЧЕННОЕ ТЕБЕ, ОТ
ВОЛКОВ, ГУБЯЩИХ Е, ОГРАЖДАЛ ЕСИ, ВЗЫВАЯ:
ПОКАЙТЕСЯ И ЖИВИ БУДЕТЕ, ОТЫМИТЕ ЛУКАВСТВО ОТ
ДУШ ВАШИХ, ДА ЧИСТЫМ СЕРДЦЕМ БОГА УЗРИТЕ И
ВОСПОЕТЕ ЕМУ: АЛЛИЛУИЯ.

ИКОС 5.

ВЕДАЯ МНОЖЕСТВО ЛЮДЕЙ, УТЕШЕНИЯ ЧАЮЩИХ, ЯКО
АПОСТОЛ ХРИСТОВ, ОБХОДИЛ ЕСИ ГРАДЫ И ВЕСИ
РОССИЙСКІЯ, ЧУДОТВОРЧЕ ИЗЯЩНЕ, СЕЯ СЛОВО БОЖИЕ,
ИЩЕЛЯ НЕДУЖНЫЯ И МАЛОВЕРНЫЯ ИСПРАВЛЯЯ, БЫВ
ВСЕМ ВСЯ, ДА ВСЯКО НЕКИЯ СПАСЕШИ.
МЫ ЖЕ БОЛЕЗНИ И ТРУДЫ ТВОЯ ПОЧИТАЮЩЕ, ВОПИЕМ
ТИ СИЦЕ:
РАДУЙСЯ, ЯКО СИЛОЮ БЛАГОДАТИ НЕМОЩНЫЯ УКРЕПЛЯЛ
ЕСИ;
РАДУЙСЯ, ЯКО МОЛИТВАМИ ТВОИМИ ГРЕШНЫЯ К
ПОКАЯНИЮ ПРИВОДИЛ ЕСИ.
РАДУЙСЯ, АЛЧУЩИЯ И ЖАЖДУЩИЯ ПО ЗАПОВЕДИ
ГОСПОДНИ НАСЫЩАВЫЙ;
РАДУЙСЯ, БЛАГОВЕСТИЕМ ХРИСТОВЫМ ЛЮДИ К ПРАВДЕ
БОЖИЕЙ ПРИВОДИВЫЙ.
РАДУЙСЯ, МОЛИТВАМИ ТВОИМИ МАЛОВЕРНЫЯ В ВЕРЕ
УКРЕПЛЯВЫЙ;
РАДУЙСЯ, СИЛОЮ БОЖИЕЮ НЕМОЩНЫМ ЗДРАВІЕ
ПОДАВАВЫЙ.
РАДУЙСЯ, ЗЕМЛЮ НАШУ БЛАГОГОВЕИНО С ПРОПОВЕДИЮ
ОБХОДИВЫЙ;
РАДУЙСЯ, МИР СЕЙ, ЯКО ПРЕМУДРОЕ ТВОРЕНИЕ БОЖИЕ,
ВОСПЕВАВЫЙ.
РАДУЙСЯ, ИОАННЕ, ЗЕМЛИ РОССИЙСКІЯ МОЛИТВЕННИЧЕ
ПРЕДИВНЫЙ.

КОНДАК 6.

ПРОПОВЕДНИЦЫ ЧУДНЫХ ДЕЯНИЙ ТВОИХ, БЛАЖЕННЕ ИОАННЕ, ЯВИШАСЯ МНОЗИ: БОГАТИИ И НИЩИИ, СТАРЦЫ И ЮНОШИ, ТЫ БО ВСЕМ ЛЮБОВЬ ТВОЮ ИЗЛИВАЛ ЕСИ БОГАТНО. ТЕМЖЕ НЕ ТОКМО ПРАВОСЛАВНИИ, НО И ИНОВЕРНИИ СИЛОЮ МОЛИТВ ТВОИХ МИЛОСТЬ БОЖИЮ ОБРЕТАХУ, ПОЮЩЕ БОГУ: АЛЛИЛУИА.

ИКОС 6.

ВОЗСИЯЛ ЕСИ ЖИТИЕМ ТВОИМ В ЦЕРКВИ ПРАВОСЛАВНЕЙ ПАЧЕ СИЯНИЯ СЕВЕРНАГО, БЛАЖЕННЕ ИОАННЕ, ПУТЬ ПРАВЫЙ ЛЮДЕМ УКАЗУЯ.

ТЕМЖЕ МОЛИ ГОСПОДА СИЛ, ДА ЛЮБОВЬ СВЯТАЯ УТВЕРДИТСЯ В СЕРДЦАХ НАШИХ, ДА НИ СКОРБЬ, НИ ТЕСНОТА, НИ СМЕРТЬ, НИ БЛАГА МИРА СЕГО ВОЗМОГУТ РАЗЛУЧИТИ НАС ОТ ЛЮБВЕ БОЖИЯ, БЛАГОДАРНЕ ТЕБЕ ВОПИЮЩИХ:

РАДУЙСЯ, ВЕРУ ПРАВОСЛАВНУЮ В ЧИСТОТЕ ХРАНИТИ ЗАВЕЩАВЫЙ;

РАДУЙСЯ, ТЕСНЫМ ПУТЕМ ЗАПОВЕДЕЙ ХРИСТОВЫХ ХОДИТИ ПОУЧАВЫЙ.

РАДУЙСЯ, В СКОРБЕХ И ПЕЧАЛЕХ СУЩИМ РАДОСТЬ ПОДАВАВЫЙ;

РАДУЙСЯ, К ИСТИННОМУ ПОКАЯНИЮ ГРЕШНИКИ ПРИЗЫВАВЫЙ.

РАДУЙСЯ, БОЖИИМ СМОТРЕНИЕМ ГРЯДУЩАЯ НАМ ВОЗВЕЩАВЫЙ;

РАДУЙСЯ, ОТ СЕТЕЙ ВРАЖИИХ ОТЕЧЕСТВО НАШЕ ОГРАЖДАВЫЙ.

РАДУЙСЯ, МИР С БОГОМ СВЯТО ХРАНИТИ ЗАПОВЕДАВЫЙ;

РАДУЙСЯ, СЛОВОМ ИСТИНЫ И ЛЮБОВИЮ ВЕРНЫМ ЛЮДЕМ ПОСЛУЖИВЫЙ.

РАДУЙСЯ, ИОАННЕ, ЗЕМЛИ РОССИЙСКИЯ МОЛИТВЕННИЧЕ ПРЕДИВНЫЙ.

КОНДАК 7.

ХОТЯ ЧЕЛОВЕКОЛЮБЕЦ ГОСПОДЬ ЯВИТИ В ТЕБЕ НОВОЕ
ДУХОВНОЕ СВЕТИЛО, ДАДЕ ТЯ БРАТИИ ОБИТЕЛИ ВО ОТЦА
ДУХОВНАГО. ТЕМЖЕ ВЕЛИКУЮ СХИМУ ЯКО ПЕЧАТЬ
СОВЕРШЕНСТВА ОТ БОГА ПРИЕМШИ, ДУША ТВОЯ ЧИСТАЯ
ОГНЕМ ПЛАМЕННЫЯ МОЛИТВЫ ЗА ВЕСЬ МИР
ИСПОЛНИСЯ, БЛАГОЧЕСТИЮ И БРАТОЛЮБИЮ ВСЕХ
НАСТАВЛЯЮЩИ И С ТРЕПЕТОМ ВОПИЮЩИ БОГУ:
АЛЛИЛУИЯ.

ИКОС 7.

НОВАГО ИЗБРАННИКА БОЖИЯ, ВСЕБЛАЖЕННЕ ИОАННЕ,
ВЕДУЩЕ ТЯ БОГОЛЮБИВИИ ЛЮДИЕ, НА ВСЯК ДЕНЬ
ЖЕРТВУ БЕЗКРОВНУЮ ПРИНОСЯЩА И СО ДЕРЗНОВЕНИЕМ
ЗА ВСЕХ ХРИСТУ МОЛЯЩАСЯ, С ВЕРОЮ К ТЕБЕ ПРИТЕКАХУ
И ИСЦЕЛЯХУСЯ.

ТЕМЖЕ И МЫ, ИСПОЛНЕНИИ ТВОИХ БЛАГОДЕЯНИЙ, С
ЛЮБОВИЮ ВОСПЕВАЕМ ТИ СИЦЕВАЯ:

РАДУЙСЯ, У ПРЕСТОЛА БОЖИЯ ПРИЛЕЖНЫЙ О НАС
МОЛИТВЕННИЧЕ;

РАДУЙСЯ, ИСТИННАГО ПОКАЯНИЯ УСЕРДНЫЙ
ПРОПОВЕДНИЧЕ.

РАДУЙСЯ, ЯКО НЕЛЕНОСТНО РАБОТАТИ ХРИСТУ БОГУ НАС
НАСТАВЛЯЕШИ;

РАДУЙСЯ, ЯКО СТОЯТИ НА БОЖЕСТВЕННОЙ СТРАЖИ НАС
ПРИЗЫВАЕШИ.

РАДУЙСЯ, ОБРАЗ ВОЗДЕРЖАНИЯ И ЦЕЛОМУДРИЯ ВЕРНЫМ
ЯВИВЫЙ;

РАДУЙСЯ, ПАСТВУ ТВОЮ ОТ ЕРЕСЕЙ И РАСКОЛА МУДРЕ
ЗАЩИТИВЫЙ.

РАДУЙСЯ, СУЩИХ ВО ТЬМЕ НЕВЕДЕНИЯ РЕВНОСТНЫЙ
ПРОСВЕТИТЕЛЮ;

РАДУЙСЯ, ДУШ ЧЕЛОВЕЧЕСКИХ ОТ СУЕТЫ ЖИТЕЙСКИЯ
ДИВНЫЙ ОГРАДИТЕЛЮ.

РАДУЙСЯ, ИОАННЕ, ЗЕМЛИ РОССИЙСКИЯ МОЛИТВЕННИЧЕ
ПРЕДИВНЫЙ.

КОНДАК 8.

СТРА́ННОЕ ЧУ́ДО ВÍДИМ, ЯВЛÉННОЕ ТЕБÉ, ПРЕДÍВНЫЙ
ПÁСТЫРЮ ХРИСТÓВ ИОА́ННЕ! ТЯ БО И ЛЮ́ДИ ВÉРНЫЯ
САМА́ ПРЕЧÍСТАЯ МА́ТИ БО́ЖИЯ ЯКО МИЛЕЙШАЯ ЧА́ДА
ОТЦА́ НЕБÉСНАГО НАРЕЧÉ. СЕГÓ РА́ДИ МЫ, СÍМИ
СЛОВЕСЫ́ УТЕША́ЕМИ, ВОПИ́ЕМ ЦАРЮ́ ВЕКÓВ: АЛЛИЛУ́ИА.

ЎКОС 8.

ВÉСЬ ЖЕЛÁНИЕМ БОЖÉСТВЕННЫМ РАСПАЛЯ́ЕМЪ, ЛЮБВÉ
ХРИСТÓВЫ ПРЕИСПÓЛНИЛСЯ ЕСИ́, ПÁСТЫРЮ ДÓБРЫЙ!
МЫ́ ЖЕ, НЕРАДÍВИИ, СОКРО́ВИЩ ЕЯ́ НЕ СТЯЖА́ВШЕ,
МНО́ГИХ СКОРБÉЙ И ПЕЧА́ЛЕЙ ДОСТО́ЙНИ ЯВИ́ХОМСЯ.
ОБА́ЧЕ, ВÉДУЩЕ ТЯ́ ПОМО́ЩНИКА НЕУСЫ́ПНА, СО
УПОВА́НИЕМ ВЗЫВА́ЕМ ТИ́ СИ́ЦЕ:
РА́ДУЙСЯ, ЛЮБВÉ ХРИСТÓВЫ СОСУ́ДЕ ИЗБРА́ННЫЙ;
РА́ДУЙСЯ, ЯВЛÉНИЯ БО́ЖИЯ МА́ТЕРЕ УДОСТО́ЕННЫЙ.
РА́ДУЙСЯ, ЦÉРКВЕ ХРИСТÓВЫ НЕУТАСА́ЮЩИЙ
СВЕТИ́ЛЬНИЧЕ;
РА́ДУЙСЯ, О ВСÉМ МÍРЕ ХОДА́ТАЮ И ПЕЧА́ЛЬНИЧЕ.
РА́ДУЙСЯ, МÍРА И ПРА́ВДЫ БО́ЖИЯ РЕВНИ́ТЕЛЮ;
РА́ДУЙСЯ, БЛАГОЧÉСТИЯ И ДОБРОНРА́ВИЯ НАСАДИ́ТЕЛЮ.
РА́ДУЙСЯ, РОССÍЙСКИЯ ЦÉРКВЕ ПОХВАЛО́ И УКРАШÉНИЕ;
РА́ДУЙСЯ, ЗЕМЛÍ НА́ШЕЯ БЛАГОДА́ТНОЕ УТВЕРЖДÉНИЕ.
РА́ДУЙСЯ, ИОА́ННЕ, ЗЕМЛÍ РОССÍЙСКИЯ МОЛÍТВЕННИЧЕ
ПРЕДÍВНЫЙ.

КОНДАК 9.

ВСЁМ ЛЮДЕМ, В НЕВЁДЕНИИ, СКО́РБЕХ И ПЕЧА́ЛЕХ
СУ́ЩИМ, ВОЗДВ́ИЖЕ ТЯ ГОСПО́ДЬ ПА́СТЫРЯ И ЧУДОТВО́РЦА
ПРЕД́ИВНА, О́ТЧЕ ИОА́ННЕ, ЁЖЕ ГРЕ́ШНЫЯ НА ПУТЬ
ПРА́ВЫЙ НАСТА́ВИТИ, НЕВЁРНЫЯ К БО́ГУ ОБРАТИ́ТИ И
БОЛЯ́ЩИЯ ИСЦЕЛИ́ТИ, ДА СОГЛАСНО ВОСПОЮ́Т ВСИ
СПАСИ́ТЕЛЬНУЮ ПЁСНЬ: АЛЛИЛУ́ИА.

ЎКОС 9.

ВЕ́ТЪИ МНОГОВЕЩА́НИИ БЕЗГЛАСНИ БЫ́ША О БЛАГОДА́ТИ,
ДА́ННЕЙ ТЕБЕ́, ИОА́ННЕ ПРЕД́ИВНЕ, ЕГДА́ СЛОВО́М ЕДИ́НЕМ
ЛЮДИ ОТ ГРЕХА́ К ПОКАЯ́НИЮ ПРИВОДИ́Л ЕСИ́,
НЕДУ́ЖНЫЯ ОТ ОДРА́ БОЛЕ́ЗНИ ВОЗДВИЗА́Л ЕСИ́, БЕ́СЫ
ИЗГОНЯ́Л ЕСИ́.

МЫ́ ЖЕ Я́КО ЧУДОТВО́РЦА И УГО́ДНИКА БО́ЖИЯ
ПРОСЛАВЛЯ́ЕМ ТЯ́ СИ́ЦЕ:

РА́ДУЙСЯ, СТРАСТЬМ́И ОДЕРЖИ́МЫХ ДИ́ВНЫИ
ВРАЧЕВА́ТЕЛЮ;

РА́ДУЙСЯ, В ДОЛГОНЕДУ́ЖИИ СУ́ЩИХ БЕЗМЕ́ЗДНЫИ
ЦЕЛИ́ТЕЛЮ.

РА́ДУЙСЯ, ОТПА́ДШИЯ К БО́ГУ ПРИВОДИ́ВЫИ;

РА́ДУЙСЯ, БЕЗБО́ЖНЫЯ ГРО́ЗНО ОБЛИЧА́ВЫИ.

РА́ДУЙСЯ, КА́ЮЩИХСЯ КРО́ТКИЙ НАКАЗА́ТЕЛЮ;

РА́ДУЙСЯ, МИ́ЛОСТЫНИ ЩЕ́ДРЫИ ПОДА́ТЕЛЮ.

РА́ДУЙСЯ, ХРИСТИА́НСКАГО ПРОСВЕЩЕ́НИЯ И

БЛАГОЧЕ́СТИЯ РЕ́ВНОСТНЫИ НАСАДИ́ТЕЛЮ;

РА́ДУЙСЯ, Ю́НЫХ ПО СТЕЗЯ́М ПРА́ВДЫ МУ́ДРЫИ
ПУТЕВОДИ́ТЕЛЮ.

РА́ДУЙСЯ, ИОА́ННЕ, ЗЕМЛ́И РОСС́ИЙСКИЯ МОЛ́ИТВЕННИЧЕ
ПРЕД́ИВНЫИ.

КОНДАК 10.

СПАСТІ ХОТЯ ЛЮДИ РОССІЙСКІЯ, ЕРЕСЬМІ И НЕВЕРІЕМ СОБЛАЗНЯЕМЫЯ, ОТЧЕ ИОАННЕ, КОЗНИ БЕСОВСКІЯ ОБЛИЧИЛ ЕСІ И ПРАВОСЛАВНОЕ ИСПОВЕДАНИЕ ВЕРЫ ТВЕРДО ЯВИЛ ЕСІ. СЕГО РАДИ ЦАРСТВИЯ НЕБЕСНАГО ДОСТИГЛ ЕСІ, ИДЕЖЕ СО АНГЕЛЫ И ЛИКИ СВЯТЫХ НЕПРЕСТАННО О НАС МОЛИШИ БОГА И ПОЕШИ ЕМУ: АЛЛИЛУІА.

ЎКОС 10.

СТЕНА ТВЕРДА ЯВИЛСЯ ЕСІ ЛЮДЕМ СТРАЖДУЩИМ, ОТ ВСЕХ КОНЦЕВ ЗЕМЛИ РОССІЙСКІЯ К ТЕБЕ ПРИХОДЯЩИМ, БОГОНОСНЕ ОТЧЕ ИОАННЕ.

ТЕМЖЕ И НАС, БЕДСТВУЮЩИХ И НЕМОЩСТВУЮЩИХ ДУШЕЮ И ТЕЛОМ, УКРЕПИ МОЛИТВАМИ ТВОИМИ, ИМИЖЕ ОГРАЖДАЕМИ, ПРИНОСИМ ТИ ПОХВАЛЫ СИЯ:

РАДУЙСЯ, СВЕТИЛЬНИЧЕ НЕУГАСИМЫЙ, ОГНЕМ ДУХА СВЯТАГО ВОЗЖЕННЫЙ;

РАДУЙСЯ, КРИНЕ БЛАГОУХАЯЙ, РОСОЮ БЛАГОДАТИ БОЖИЯ НАПОЕННЫЙ.

РАДУЙСЯ, ЛОЗО МНОГОПЛОДНАЯ, БЛАГОДАТНЫМИ ДАРЫ ВЕРНЫХ ПИТАЮЩАЯ;

РАДУЙСЯ, СОЛЕ ЗЕМЛИ, ОТ ГРЕХОВНАГО ТЛЕНИЯ НАС СОХРАНЯЮЩАЯ.

РАДУЙСЯ, В МОРИ ЖИТЕЙСТЕМ ОБУРЕВАЕМЫМ ТИХОЕ ПРИСТАНИЩЕ;

РАДУЙСЯ, ДУШЕВНЕ И ТЕЛЕСНЕ ИЗНЕМОГАЮЩИМ БЛАГОЕ ВСПОМОЖЕНИЕ.

РАДУЙСЯ, СЕРДЦЕВЕДЧЕ ПРЕМУДРЫЙ, ВЕРНЫЯ ЛЮДИ ОТ МУДРОВАНИЯ МИРА СЕГО ОГРАЖДАЯЙ;

РАДУЙСЯ, СЕЯТЕЛЮ ХРИСТОВ, СЕЯНИЕМ ЕВАНГЕЛЬСКИМ СЕРДЦА МНОГИХ УВЕСЕЛЯЯЙ.

РАДУЙСЯ, ИОАННЕ, ЗЕМЛИ РОССІЙСКІЯ МОЛИТВЕННИЧЕ ПРЕДИВНЫЙ.

КОНДАК 11.

ПЁСНЬ ДОСТОХВАЛЬНУЮ ПРИНОСИМ ТИ, ОТЧЕ ИОАННЕ,
ВСЁМ ЖИТИЁМ ТВОИМ БОГА ПРОСЛАВЬШЕМОУ. И ЯКОЖЕ
НА ЗЕМЛИ ЗА ВСЁХ И ЗА ВСЯ ВЛАДЫКУ МІРА УМОЛЯЛ ЕСИ,
СИЦЕ И НЫНЕ НА НЕБЕСИ ВОЗНЕСИ МОЛИТВЫ ТВОЯ, ДА
ВО ОТЁЧЕСТВИИ НАШЕМ ПРИСНО ВОСПЕВАЁТСЯ БОГУ
ПОБЁДНАЯ ПЁСНЬ: АЛЛИЛУІА.

ЎКОС 11.

СВЕТОЗАРНУЮ СВЕЩУ ВЁМЫ ТЯ, БОГОМ ИЗБРАННЕ ОТЧЕ
ИОАННЕ, ТЫ БО И ПО ОТШЁСТВИИ ОТ ЗЕМНЫХ К
НЕБЕСНЫМ У ПРЕСТОЛА БОЖИЯ В СОНМЕ СВЯТЫХ И СИЛ
АНГЕЛЬСКИХ О НАС ПРИСНО ХОДАТАЙСТВУЕШИ.
СЕГО РАДИ БЛАГОДАРСТВЕННО ВЗЫВАЕМ ТИ СИЦЕ:
РАДУЙСЯ, ЯКО В ПОДВИЗЕ ТВОЁМ ИМЯ ПРЕСВЯТЫЯ
ТРОИЦЫ ДИВНО ПРОСЛАВИСЯ;
РАДУЙСЯ, ЯКО БЛАГОЧЕСТИЕМ И ВЕРОЮ ТВОЁЮ ЦЕРКОВЬ
ХРИСТОВА УКРАСИСЯ.
РАДУЙСЯ, ПАСТЫРЕЙ БОГОМУДРЫЙ НАСТАВНИЧЕ;
РАДУЙСЯ, ИНОКИНЬ ДОБРЫЙ УЧИТЕЛЮ.
РАДУЙСЯ, СУПРУГИ СОУЗ БРАЧНЫЙ СВЯТО ХРАНИТИ
ПОУЧАВЫЙ;
РАДУЙСЯ, ЧАДА ПОЧИТАТИ РОДИТЕЛИ СВОЯ УВЕЩАВАВЫЙ.
РАДУЙСЯ, ЯКО СОСТРАДАНИЕМ ТВОИМ К БЛИЖНИМ
СКОРБИ И ПЕЧАЛИ УТОЛЯЮТСЯ;
РАДУЙСЯ, ЯКО МОЛИТВАМИ ТВОИМИ ГРЕШНИЦЫ НА ПУТЬ
СПАСЕНИЯ ОБРАЩАЮТСЯ.
РАДУЙСЯ, ИОАННЕ, ЗЕМЛИ РОССИЙСКИЯ МОЛИТВЕННИЧЕ
ПРЕДИВНЫЙ.

КОНДАК 12.

БЛАГОДАТНЫХ ДАРОВ ДУХА СВЯТАГО ИСПОЛНИ ТЯ ГОСПОДЬ, ОТЧЕ НАШ ИОАННЕ, ИМИЖЕ РЕВНОСТНО ПОСЛУЖИЛ ЕСИ НАРОДУ БОЖИЮ. ВОЗНЕСИ МОЛИТВУ К БОГУ И О НАС, ДА ВЕРЫ, НАДЕЖДЫ И ЛЮБВЕ ДОСТИГШЕ, ПРИЧАСТНИЦЫ ЖИЗНИ ВО ХРИСТЕ БУДЕМ И СПОДОБИМСЯ ВОСПЕВАТИ БЛАГОДАРСТВЕННУЮ ПЕСНЬ: АЛЛИЛУИА.

ИКОС 12.

ПОЮЩЕ ТВОЕ ДОСТОХВАЛЬНОЕ ЖИТИЕ НА ЗЕМЛИ И СЛАВУ, ЮЖЕ СТЯЖАЛ ЕСИ НА НЕБЕСИ, ОТЧЕ ИОАННЕ, ПРИТЕКАЕМ ВО ОБИТЕЛЬ ТОБОЮ СОЗДАННУЮ И ПРИПАДАЕМ К ГРОБНИЦЕ ТВОЕЙ, ОТ НЕЯЖЕ ИСЦЕЛЕНИЯ И ПОМОЩЬ УЛУЧАЮЩЕ, ВОЗГЛАШАЕМ ТИ СИЦЕВАЯ: РАДУЙСЯ, ПРОПОВЕДНИЧЕ ИЗРЯДНЫЙ, ПРОРОКОМ И АПОСТОЛОМ ДОБРЕ ПОРЕВНОВАВЫЙ; РАДУЙСЯ, ПАСТЫРЮ ЗЕМЛИ РОССИЙСКИЯ, БОГОМ ИЗБРАННЫЙ И ПРОСЛАВЛЕННЫЙ. РАДУЙСЯ, ОБИТЕЛЬ ПРЕПОДОБНАГО ПОКРОВИТЕЛЯ ТВОЕГО ИОАННА РЫЛЬСКАГО ДИВНО УСТРОИВЫЙ; РАДУЙСЯ, ОБИТЕЛИЮ СЕЮ ГРАД СВЯТАГО ПЕТРА СЛАВНО УКРАСИВЫЙ. РАДУЙСЯ, В ВОЗСОЗДАННУЮ ОБИТЕЛЬ ИНОКИНИ СОБИРАЯЙ; РАДУЙСЯ, ЯКО ОТЕЦ ЧАДОЛЮБИВЫЙ, ПРИСНОЕ ПОПЕЧЕНИЕ О НИХ ИМЕЯЙ. РАДУЙСЯ, ВСЕМ ПРИТЕКАЮЩИМ К ТЕБЕ СКОРОЕ ВСПОМОЖЕНИЕ ПОДАВАЯЙ; РАДУЙСЯ, ОБРАЗ ДОБРАГО ПАСТЫРЯ СЛОВОМ, ЖИТИЕМ И ВЕРОЮ НАМ ЯВИВЫЙ. РАДУЙСЯ, ИОАННЕ, ЗЕМЛИ РОССИЙСКИЯ МОЛИТВЕННИЧЕ ПРЕДИВНЫЙ.

КОНДАК 13.

О СВЯТЫЙ ПРАВЕДНЫЙ ОТЧЕ ИОАННЕ, ВСЕРОССИЙСКИЙ
СВЕТИЛЬНИЧЕ И ПРЕДИВНЫЙ ЧУДОТВОРЧЕ!
ПРИИМИ ХВАЛЕБНОЕ СИЕ ПЕНИЕ НАШЕ И УМОЛИ ХРИСТА
БОГА ЦЕРКОВЬ СВЯТЮЮ В БЛАГОЧЕСТИИ УТВЕРДИТИ,
ЕДИНСТВО В СОЮЗЕ МИРА И ЛЮБВЕ ХРИСТОВЫ
СОБЛЮСТИ, ДА И МЫ ВОСПОЕМ С ТОБОЮ БОГУ:
АЛЛИЛУИА.


**ЭТОТ КОНДАК ЧИТАЕТСЯ ТРИЖДЫ, ЗАТЕМ ИКОС 1-Й, И
КОНДАК 1-Й.**

ИКОС 1.

АНГЕЛА СВЕТЛА, ЕЩЕ ОТРОК СЫЙ, ЯВЕ УЗРЕЛ ЕСИ, ОТЧЕ
ИОАННЕ, ИЖЕ И РЕЧЕ ТИ, ЯКО ПОВЕЛЕНИЕМ ГОСПОДНИМ
ПРИСТАВЛЕН ХРАНИТИ ТЯ ВО ВСЕХ ПУТЕХ ТВОИХ.
ТЕМЖЕ ЯКО ИЗБРАННИКА БОЖИЯ ВЕДУЩЕ ТЯ, ВЗЫВАЕМ
СИЦЕ:
РАДУЙСЯ, БЛАГОДАТИ БОЖИЯ СОСУДЕ ИЗБРАННЫЙ;
РАДУЙСЯ, СЛОВОМ БОЖИИМ ИЗМЛАДА НАСТАВЛЕННЫЙ.
РАДУЙСЯ, ВО ОТРОЧЕСТВЕ ЯВЛЕНИЯ АНГЕЛА ХРАНИТЕЛЯ
СПОДОБИВЫЙСЯ;
РАДУЙСЯ, ОТ ЮНОСТИ ВОДИТЕЛЬСТВУ ДУХА СВЯТАГО
ПРЕДАВЫЙСЯ.
РАДУЙСЯ, РОДИТЕЛЕЙ БОГОЛЮБИВЫХ БЛАГОЧЕСТИЕ
ВОСПРИЕМЫЙ;
РАДУЙСЯ, ЦЕЛОМУДРИЕМ И ЧИСТОТОЮ СЕБЕ ОГРАДИВЫЙ.
РАДУЙСЯ, ДУХОВНЫМ НАСТАВНИКОМ ТВОИМ ВСЕМ
СЕРДЦЕМ ВНИМАВЫЙ;
РАДУЙСЯ, ПОЧИТАНИЕМ РОДИТЕЛЕЙ БЛАГОВОЛЕНИЕ
БОЖИЕ СТЯЖАВЫЙ.
РАДУЙСЯ, ИОАННЕ, ЗЕМЛИ РОССИЙСКИЯ МОЛИТВЕННИЧЕ
ПРЕДИВНЫЙ.

КОНДАК 1.

ИЗБРАННЫЙ УГОДНИЧЕ И ПРЕСЛАВНЫЙ ЧУДОТВОРЧЕ,
ОТЧЕ ПРАВЕДНЫЙ ИОАННЕ, ГРАДА КРОНШТАДТА
ПРЕСЛАВНОЕ УКРАШЕНИЕ! ТЫ, ОТ МЛАДЕНСТВА ХРИСТУ
ПОСЛЕДУЯ, СОРАСПЯТИСЯ ЕМУ ВОЗЖЕЛЕЛ ЕСИ И, ЖИЗНЬ
ТВОЮ В НЕМ УТВЕРДИВ, ДАР ЧУДЕС ОТ БОГА ПРИЯЛ ЕСИ И
СЛОВОМ ЖИВОНОСНЫМ ВСЕХ НАПИТАЛ ЕСИ. МЫ ЖЕ,
НЕДОСТОЙНИИ, БЛАГОДАРНЕ ВОПИЕМ ТИ: РАДУЙСЯ,
ИОАННЕ, ЗЕМЛИ РОССИЙСКИЯ МОЛИТВЕННИЧЕ
ПРЕДИВНЫЙ.



КОПИЯ ПРИЖИЗНЕННОГО ПОРТРЕТА
ИОАННА КРОНШТАДТСКОГО